



太師楊襄毅公本兵奏疏卷之四

遵諭條上定策遏虜疏

少保兼太子太保兵部尚書臣楊博等謹

題為欽奉

聖諭事職方清吏司案呈奉本部送該內閣傳奉

聖諭自博入我每慮邊務今秋必有擾者可語博早定策以遏之欽此欽遵傳奉到部除先已具由回奏外所有定策事宜呈乞查處案呈到部看得醜虜入犯多在涼爽之時防禦機宜貴審急緩之勢今之九邊大率以薊鎮為第一蓋腹心既安四肢自無可慮以故廣

天津圖書
館藏

天津
圖書館
藏

本兵卷之四
調各鎮之兵爲之戍守多發度支之糧爲之餽給精選驍健之將爲之捍禦仰蒙

聖皇在上深思遠慮靡所不至臣等何容別議今據宣大總督李文進所奏止是永邵保兀慎擺腰三部之賊其酋首俺荅黃台吉把都兒并東虜土蠻俱各未見踪跡驚鳥將飛必戢其翼其當爲薊鎮之慮臣等謹將大同薊鎮應行事宜不揣愚陋開坐上請伏乞

聖明俯賜採覽早爲允行地方幸甚嘉靖四十年八月十六日題奉

聖旨這所奏事宜都依議行主客錢糧缺乏着戶部即使給發前去不許悞事欽此

一大同所犯之賊數本不多本鎮兵馬已該總督李文進先期分布似爲有備臣等近又移文巡撫都御史陳其學總兵官劉漢令其堅壁清野以固其守設伏出奇以挫其鋒分精兵以搗其巢簡惡少以邀其馬隨機應變之策聽其徑自處置計料此虜日下必當遠遁所據李文進所討宣府遊擊孫輔大同遊擊周資文入衛遊兵二枝另本酌量議處

一賊犯薊鎮必由白草川三間房一帶嘯探一節全在宣府獨石叅將蓋薊鎮止得其情獨石則得其形

知之既早豫於古北黃花鎮等處加謹防禦所謂先則制人自保無虞合無容臣等仍行宣大總督都御史李文進巡撫都御史遲鳳翔總兵官李賢督率叅將劉國多差的當人役遠爲嘯探但有東行踪跡卽便飛報本部以憑調度嘯探的確防秋畢日叅將官重加陞賞如或怠緩悞事與薊鎮將兵一體治罪

一薊鎮各區先該臣博總督之時每區定擬兵備副使僉事一員爲之監督連歲督臣行臣之計日益詳密但防秋之後未曾定擬賞罰誠恐人心懈弛關係不輕合無容臣等備行總督都御史楊選巡撫都御

史張珖嚴行副使溫景葵紀公巡栗永祿李尚智張邦彥伊介夫各照地方用心督理一切兵糧事宜悉聽徑自區處督撫官不得遙制如果禦虜有功或虜知有備不敢窺伺督撫官從實具奏以憑甄錄怠緩悞事查叅究治

一昌平鎮居庸鎮邊黃花鎮三區與宣府懷來延慶永寧四海冶相爲唇齒宣大總督每當秋近移住懷來正爲南山之備但事在兩鎮未免互分彼此必須聲勢聯合事方有濟合無容臣等備行宣大總督都御史李文進仍駐懷來如果賊犯薊鎮古北口一帶

宣府別無聲息即便多發精兵星馳援應若止犯延
未逼近南山就將各支兵馬分屯薊鎮牆上協力固
守但使匹馬不得入關卽爲首功

一薊鎮總督巡撫揭報本部每以主客兵馬錢糧十
分缺乏爲詞事在戶部臣等不知其詳審據公差人
役皆稱見差科道查勘戶部候查明之日方議處發
但今事在燃眉師行糧從時不可缺合無容臣等備
行該部將昌平薊州二鎮不拘銀兩漕糧作速運發
以備目前之用稍候科道查勘畢日一併計筭

一薊鎮燕河冷口一帶逼近遼東虜若自東入犯薊
鎮督撫官相去隔遠調度自不能及即便有兵可發
千里赴援不惟無以濟事亦非兵家常筭合無容臣
等備行遼東都御史吉澄會行總兵官雲昌卽將本
處兵馬整棚停當如果虜犯燕河等處不必候調徑
自領兵前來策應有功與薊鎮將兵一體陞賞遷延
債事與薊鎮將兵一體黜罰

遵 諭申飭京邊備虜疏

題爲欽奉

聖諭事職方清吏司案呈奉本部送嘉靖四十年九月初
三日寅時該 內閣傳奉

聖諭北賊為患計深不可常視本兵不之慮何也原內逆
多了而胡不足較今還須加兵堅守亦不可輕戰京營
亦要備欽此欽遵傳奉到部隨奉本部送兵科抄出巡
按直隸監察御史董學題為傳報虜寇異常聲息深
為可慮懇乞

聖明嚴勅督撫諸臣竭力隄備以安重鎮以固屏藩事奉
聖旨兵部知道欽此抄送到司案呈到部看得蠢茲醜虜
夏月會住青山之後其謀甚深秋杪分屯宣大之間
其踪漸露大率窺伺薊鎮以為聲西擊東之計仰蒙
聖皇在上深慮今秋有擾

勅下臣博定策遏之隨該臣將應行事宜開坐具題悉蒙
俞允以故薊鎮昌平紫荆倒馬一帶兵馬分布極其嚴密
賊知深入為難七月八月遲回不動乃今九月一股
數千窺宣府馬營等堡昨據總督李文進揭報有賊
荅話說要搶屬夷又說要搶薊鎮多半出邊勢已回
營一股二萬窺大同平虜等處昨據總督李文進揭
報一半仍在邊外尚無向往的信原非大舉臣等連
日與總督李文進往來計議賊在大同者已行副總
兵趙岢兵阻其北總兵吳徵等兵遏其南總兵劉漢
等兵防其東叅將田世威伏兵白石嶺擊其惰歸叅

楊秉彜公奏疏 本兵卷之四 五
將孫吳留守右衛叅將馮詔留守左衛賊在宣府者
分發總兵李賢正兵一枝北至鷓鴣同遊兵迎擊又
恐果與屬夷讎殺相去四海冶黃花鎮尤近故留副
總兵馬芳叅將王孟夏董一奎之兵仍爲南山之備
本部申飭文移日凡數次彼處督撫等官亦各早夜
戒嚴不敢怠視茲蒙

聖諭還須加兵堅守不可輕戰京營亦要備仰見

皇上神謨淵慮洞燭虜情旣欲堅壁固壘外收邊圉萬全
之功又欲居重馭輕內爲戎政三營之備臣等愚昧
實所不及但臣等所竊慮者時已秋深賊踪雖在宣
大乍進乍退猶爲剝床之災賊意實在薊保賊出鬼
沒未免剝膚之害相應一體申飭合候

命下通行總督宣大都御史李文進嚴督宣府總兵官李
賢巡撫都御史遲鳳翔大同總兵官劉漢巡撫都御
史陳其學山西總兵官吳徵巡撫都御史楊宗氣各
照分定兵馬再加精兵亟爲戰守賊雖示弱誘我切
不可輕與之戰以墮賊計本部一面備行戎政大臣
顧寰王邦瑞速將京營兵馬通行整飭要見何枝堪
以出戰何將統領何枝堪以拒守何將統領卽今正
係常操之期務要人人精練先行開報本部以憑酌

楊襄毅公奏疏 本兵卷之四
議一面備行總督薊遼都御史楊選督率薊鎮鎮巡
官張承勛何淮張玘保定鎮巡官祝福毛愷照依本
部近議欵內事理一一舉行分牆守禦常如虜在目
前差人出境於字河車小興州舊開平三間房白草
川不時接嘯賊但有東行之信星飛馳報直至十月
初旬氣寒冰凍方可解嚴如敢怠緩悞事容臣等從
實叅究重治嘉靖四十年九月初三日題奉

聖旨是著各該督撫官等加謹備守不許怠忽欽此

遵諭申飭薊鎮宣大等處守禦疏

題爲傳奉

聖諭事職方清吏司案呈奉本部送嘉靖四十年九月十
三日申刻該內閣傳奉

聖諭我聞虜犯今已入久惟邊各少備賊略忌之可於諸
城堡遍給火器以禦仍要堅守不可輕戰以仰奉

天保神扶者或閣中示博行欽此欽遵抄捧到部送司案
呈到部臣等看得今歲虜謀如果異常在西者則分
入宣雲以誘我薊西之兵在東者則分屯遼右以窺
我薊東之怠大意垂涎畿甸欲爲深入之計仰蒙

聖皇在上屢垂嚴諭內而京師三營外而薊保兩鎮砲火
之聲晝夜不絕戍守之卒遠近相望已得伐謀之策

漸消希覲之念卽觀近日古北口出嘯夜不收劉全報稱嘯至屬夷伯彥帖忽思營內備聞曾首把都兒曾差達子往馬蘭峪牆子嶺古北口探看道路俱稱各區人馬防的甚緊決槍不得把都兒遂會黃台吉西犯可嗑套去訖可嗑套者蓋謂宣大也况今九月將半秋色無多卽使中懷奸險糾衆復東塞外早寒氣凝冰結似亦無能有爲至於大同威遠之虜總督李文進揭稱本月初八日一半已上平虜西山去邊止三十里宣府馬營之虜總督李文進揭稱新舊之賊漸自馬營移至赤城將犯懷來大小白陽一帶則嘯者所云西犯可嗑套者似亦不虛也臣等竊惟宣大兩鎮防禦事宜如調山西之兵搗豐州之巢謹南山之守集寄養之馬移巡撫陳其學於左衛留總督李文進於懷來節該本部具題奉有

俞旨無容別議茲蒙

聖諭欲要各城堡遍給火器堅守不可輕戰是誠禦虜切要之務臣等待罪本兵不勝感激除備咨工部將大同宣府二鎮城堡卽日多發各樣火器火藥差官運送前去撫鎮衙門交割一面通行總督鎮巡等官用心堅守不許輕戰以仰奉

天保神扶外嘉靖四十年九月十三日題奉

聖旨是薊鎮火器著工部一併作速多發欽此

覆薊鎮閱視郎中許汝驥分別功罪條陳事宜疏

題為遵照舊規

請明調遣以重防秋事職方清吏司案呈奉本部送兵科抄出兵部職方清吏司署郎中事主事許汝驥題奉聖旨兵部看議來說欽此欽遵案呈到部看得本部署郎中許汝驥具題前因大率謂奉

勅前往薊鎮逐區躬親校閱總一鎮十區新舊主客之數始而根極弊源反覆敷陳補練不成之故繼而條陳

補兵練兵之法及經略軍制馬政將領等項事宜仍要備行總督楊選巡撫張玘嚴行各兵備副使督率將官如法訓練務臻實效一節為照薊鎮主兵節奉欽依差官閱視期以三年訓練有成去歲郎中王叔果事完回奏止稱軍容可觀荷蒙

聖恩將各官姑記其罪明年無效聽該科查叅卽今又經一年叅詳郎中許汝驥之奏似猶未見精練蓋由該鎮害練之弊未去補練之法未行日復一日徒為文具主兵無時可用客兵何時可撤總督鎮巡叅遊兵備等官玩愒之罪均屬難辭係干地方重計相應通

行議擬合候

命下將張承勛章任閑住所劾賊私備行順天巡按御史
勘問具奏遺下員缺先行會官推補總督尚書許論
巡撫都御史張玘各加究治副總兵袁正李意叅將
時鑾黃演郭琥曾聰黃龍董麒申維岳仇已佟登胡
鎮遊擊方振王倫劉國賓胡燦楊真周孚先夏宗禹
崔桂守備管儒王治道茂涇楊四畏丁添福周德陳
馮吉張國卿程燮汪洋提調王旌王允文張廉楊維
奇劉經王化熙趙州武世忠劉汝弼劉豸趙雲龍李
思忠康斗南張斌李素甫趙經英楊舜耕徐勳田貢官
麒把總周乾楊俊孫光祖周淮分守林爵各於實職
上重加降級兵備副使張邦彥栗永祿紀公巡李尚
智溫景葵各加罰治一面移咨新任總督都御史楊
選嚴督鎮巡兵備等官督率將領查照節奉

欽依將各區兵士應補者按籍收伍應練者着實訓練再
無成效通行重究及照郎中許汝驥條陳事宜未經
款列不便 聖覽臣等謹用分別開坐恭候

宸斷嘉靖四十年九月十三日題奉

聖旨先年有旨薊鎮調兵非經久之計練補土兵以免常
調邊兵總督鎮巡等官全不用心每歲只靠調兵費用

錢糧坐困供餉何有紀極今又三年差官閱視却稱照舊不堪戰守各官不以明旨爲重好生欺肆許論已革任待查明錢糧一併處治張承勛革去職任巡按御史提了所劾賊私究問明白來說張玘姑降一級調外任員缺各便推補袁正等各降實級三級姑留供職張邦彥等姑各罰俸半年著楊選嚴加督率訓練若再無效重治其餘准議行欽此

一查處軍餘看得軍人之有軍餘原爲備繼補之數必須盡麗尺籍稽查方有憑據近日邊將徃徃私自役占衛所官員又巧立名目阿意奉承以致下情怨苦隱避脫漏一遇缺伍乏人頂補卽今正當審編修役之時相應依擬清查合無移咨督撫衙門嚴行各區兵備等官督率衛所拘集餘丁從實查審果係各軍弟男子姪逐一登名在冊遇有逃亡事故按冊頂補如敢仍前隱漏徑以軍法重治

一查處城操看得城操官軍所以防護城池干係匪輕邇來該鎮或役於權勢或占於官府以致守禦無人相應依擬禁革合無移咨督撫衙門嚴行各區兵備等官通將各處城操官軍逐一點查務要常川在城防守其各衙門聽事答應舍人箭手牢子伴當等

項悉令革退先將革過姓名造冊送部查考

一查處募兵看得薊鎮新募遊兵五枝原議停免河南入衛之兵歲解工食銀兩給為安家之需近來該省不能如期徵解以致各軍未沾實惠除昌平一枝隨衛食糧安家銀兩停革通州一枝改入京營無容別議外其密雲永平遵化三枝相應通行酌處合無移咨督撫衙門卽行兵備等官將前項遊兵三枝查照今議逐一嚴審何為土著歲應給銀五錢何為流寓歲應給銀一兩五錢徑自施行本部一面備行河南巡撫都御史將扣補餘銀作速徵解順天巡撫衙門收貯專備募兵支用不許別項挪借

一查處職守看得督撫大臣遇有斬獲不得與總兵同賞臣博嘗力言之此蓋可行於宣大陝西遼東諸邊耳若夫薊鎮拒守之功全在總督不可一槩而論今稱督撫不宜與總兵同賞難以如擬至謂兵備憲臣不可使鎮守督之副叅有缺不可使憲臣署之誠為有理合無移咨督撫衙門以後一應軍機兵備副使惟聽督撫官節制鎮守衙門毋得牽制副叅有缺止宜於武臣中選署不許仍前乖刺以紊職守

一查處占役看得薊鎮總兵挑選各區之兵常住三

屯誠爲弊政至於內外跟隨軍伴等項載在條例各有定數私占多役尤非事體相應一併查革合無移咨總督軍門卽行鎮守官將本營所選尖兒手壯士等項盡數掣回交與各區將領各自操守其各衙門占役軍伴亦令逐名查出通行着伍如總兵仍前選調聽彼處巡按御史指名叅究

一查處冗員看得總督軍門中軍原係軍門隨宜委用陝西宣大事體相同本部難以推舉至於各處廢棄各官在彼聽用委爲振武營兵之害相應通行查處合無移咨軍門將聽用各官通行試驗謀勇可用

照舊留用怯懦無爲盡數革退仍具由咨部查考

一查處督責看得事有章程則稽查自易薊鎮各區遵奉 欽依置立格眼文簿兵馬多寡錢糧盈縮之數一閱可知委爲簡便之法但恐所司奉行未至徒爲文具合無移咨督撫衙門責成兵備等官查照郎中許汝驥所議徑自稽考務臻實效

一查處賞罰看得激勸人心全在賞罰薊州一鎮逼近京畿大率以拒守爲首功以斬伐爲次功嘉靖三十二年古北口拒虜之功已經本部題奉

欽依准其世襲事體已定但恐歲月旣久不能人人盡知

相應通行申飭合無移咨督撫衙門卽行將領等官各將本區廣備嚴守如果禦虜有功從實具奏雖無擒斬所陞職級一體世襲其嘯夜人等嘯報大舉得實卽同擒斬之功如敢怠緩悞事 國典具在自難輕貸

一查處事權看得涿鹿遊兵應援鎮邊城昌平遊兵應援黃花鎮振武營遊兵應援石塘嶺各有信地不容改移昌平懷柔兵備道無事之時雖不相關一遇應援本地卽當與領兵參遊官會同行事豈容互分彼此相應通行申飭合無備咨總督軍門嚴督鎮巡官卽行各區參遊等官照舊防守信地凡事與該道共同計議而行不得偏執已見致悞事機其鎮邊城錢糧宣府應否查盤移咨戶部徑自議處

一查處規模看得軍士操備雖在營區食糧則由衛所自是 祖宗舊制乃今薊鎮之軍該營徑自收糧白頭文移委難稽查合無移咨督撫衙門作速查議以復舊規如或別有窒礙照依副使溫景葵所呈權借附近衛所印信以防奸欺似亦一策

一查處戰臺看得修築戰臺耳目旣明腹心自固誠爲保障至計必須附近墻垣方得地利更番戍守方

爲人和原非空費徒勞難以因噎廢食相應通行申飭合無移咨督撫衙門嚴行兵備等官將各區戰臺逐一查理已完者加意備守未完者作速修築務要附近塞垣以求實用

一查處軍制看得長陵等八衛隆慶衛及遵化等三衛寬河所之軍多隱於京差黃花鎮班軍獨得休息牆子嶺三百餘人原係山海正軍宜掣回本衛另召土著以補建昌營與冷口相近宜備冷口不當援太平寨石匣與古北口相近宜備古北不當援牆子嶺大寧都司宜改遊擊古北口寄操家丁宜屬叅將

一切事宜俱在彼中相應通行勘處合無備咨督撫衙門將前項軍制逐一會議停當作速回奏

一查處馬政看得買馬之費全藉椿朋銀兩自當以時追徵一以懲軍士之怠一以克軍國之需關係甚重乃今鎮守等官自行追取以致侵尅多端馬政不脩職此之故相應急爲釐正合無備咨督撫衙門嚴加禁約以後椿朋等銀務要各道兵備副使立限追完各另解道遇有缺馬幫輾買補仍將三十九年十二月以前通行查明有無拖欠侵冒情弊咨報查考一查處撫賞看得三衛屬夷非我族類其心自異撫

賞一節不過羈縻之術提綱挈領全在官得其人事
方有濟合無備咨總督鎮巡等官督同叅將提調等
官遵照本部節奉 欽依內事理每遇屬夷到邊務
要宣諭 朝廷恩威使知感戴方行撫賞如敢撲捉
要求即便發兵勦殺不許專事姑息以滋後患其久
任推補事宜本部自當斟酌處置

一查處將領看得該鎮將領既經本官得之日擊舉
刺前來與本部查訪大略相同相應通行依擬合無
將袁正仇已郭琥魯聰林爵佟登時鑾程燮楊四畏
康斗南趙雲龍鄭寶王廷棟張涇程照黃演黃龍周
孚先俱附記在簿酌量推用內黃演黃龍周孚先補
練未精不准復俸王化熙量調腹裏別用劉富張崑
谷承功革任閑住員缺推補竇淮涂永貴柴良弼革
去管事行令回衛帶俸差操褚章顧大魁焦勛仍行
巡按御史提問具奏

覆巡視西關御史黃紀請勅邊臣併守南山疏
題爲虜賊擁衆深入聲勢重大懇乞

聖斷嚴勅督撫鎮守臣工併力截殺以固邊防以安重地
事職方清吏司案呈奉本部送該巡按直隸監察御
史黃紀揭帖到部送司案呈到部看得巡按御史黃

紀具揭前因大率謂大同宣府之虜兩處竊發宣府者已落懷來川當防南山欲要總督撫鎮諸臣據險堅守協心驅逐各一節除大同威遠之虜先已出境無容別議外爲照宣府之虜雖已落川止是乘機搶掠原無深入之意臣等以其逼近南山已經分布宣大總督都御史李文進屯兵隆慶宣府總兵官李賢屯兵岔道宣府巡撫都御史遲鳳翔屯兵沙城宣府副總兵馬芳等屯兵土木永寧沙城等處其所以防外者俱已周匝又經分布順天巡撫都御史張珖昌平兵備副使栗永祿陝西副總兵周欽屯兵鎮邊城黃花鎮薊遼總督楊選今日又自密雲提兵而至其所以防內者亦無滲漏所據巡按御史黃紀揭報前因無非事求萬全之意相應通行議擬合候

命下備行宣薊各總督鎮巡等官務要同心協力毋分彼此早逐出境以靖地方本部一面行令密雲兵備副使李尚智懷柔兵備副使張邦彥等一體固守毋墮此賊聲西擊東之計嘉靖四十年九月十六日題奉聖旨是着各該地方官協力防守不許悞事欽此奉旨條上破格整理薊鎮兵食疏

題爲敷陳地方敝狀仰祈

聖鑒以圖善後事職方清吏司案呈奉本部送該本部題
本司案呈奉本部送兵科抄出總督薊遼保定等處
軍務兼理糧餉都察院右副都御史楊選題奉

聖旨這所陳薊鎮敝狀前官全不經心日事因循卽今當
何整理兵部悉心議處開具奏來欽此該本部覆題奉
聖旨薊鎮督撫官等每遇有警輒張皇告急惟調客兵防
守圖保目前無事日延一日何有爲國忠計者邊兵一
節初只權宜之行今已調十一年未見減撤却又重加
挑選此則何時而止不但供餉增費人情政體皆非所

宜這所議不過循常題覆目今如何練主兵方可免調
邊兵卿博歷任茲鎮宜竭盡忠謀大破常格整理還着
另議來說欽此欽遵抄出送司案呈到部臣等竊惟昌
薊二鎮近在畿輔實爲腹心之地粵自庚戌虜變以
來遠調客兵分番入衛原非經久之計臣博經略之
時奏稱薊鎮之事當以練主兵爲根本調客兵爲權
宜于後郎中唐順之經略又奏稱主兵練成一枝當
減客兵一枝非臣一人之私言實爲衆人之公議乃
今督撫等官或玩愒而人事不修或災沴而天時未
順以致練兵之舉十年罔效閱兵之使三出無功誠

可駭嘆仰蒙

聖皇在上淵慮深思長駕遠馭既將悞事之臣各加黜罰
又欲本兵之臣破格議處特念臣博嘗歷茲鎮

明旨叮嚀曷啻 面命臣博雖至愚極陋敢不仰承萬一
連日謹與臣縉共攄一得條爲十事極知兵馬錢糧
各有攸司切緣事體重大不敢避忌固臣等狗馬之
心亦臣等之分也臣等無任隕越俟

命之至嘉靖四十年十月初一日題奉

聖旨這事宜卿等旣議停當都准行工部銀兩准暫借用
候補還差官已別有旨了欽此

一各區主兵雖有總副叅遊等官職專選練若非兵
備副使爲之監督事權旣輕賞犒無措日復一日全
乏實效臣等悉心圖維必須易轍改絃方能興廢舉
墜查得永平兵備副使溫景葵昌平兵備副使栗永
祿懷柔兵備副使張邦彥密雲兵備副使李尚智薊
州兵備副使紀公廵才識操履俱極一時之選相應
久任責成合無備行各官將所管區分主兵通行蒐
選設法教練仍將

勅諭各另換給一道備將選練主兵緣由開載於內一年
之內練有成效不次擢用因循不振從重降罰及照

各官年資已深若使遷轉別處新任之人事體不能周知悞事不淺本部一面移咨吏部備查各官年資如果相應者擬陞叅政職銜仍兼僉事管理兵備年資未深者職銜照舊公差科道等官雖有查盤等項事情不許輕易委用致妨正務巡撫官月一閱視總督官兩月一視合用犒賞銀錢等項准於督撫兵備賊罰銀內動支本部仍發銀二萬兩分發各道添轄犒賞大率軍以十人爲率八人習火器二人習弓矢若使人人火器精熟倚墻拒守自當萬全

一陝西固原寧夏延綏三處客兵比之宣大尤爲窳遠十餘年來往返奔馳疲勞極矣但主兵教練未成若使遽爲撤去一有急緩未免失措相應通行酌議合無移咨總督都御史楊選將延綏遊擊時達所統遊兵一千五百名旣稱不成行伍查照總督尙書許論原議以後免其徵調其延寧固原各枝照舊調發本部一面咨行陝西督撫等官將該班官軍用心揀選俱用馬軍不用步軍馬匹軍器如果不敷作速奏請聽本部與工部處發兵行之日巡按御史坐委守巡兵備該道查點明白具由奏知候四十一年以後主兵練成每年遞減一枝以示休息其山西山東保

定遼東宣府大同應調之兵不得援以爲例

一陝西等處邊兵旣欲漸撤各區擺守之兵恐不足用查得京司三營自我

皇上更定之後戎政大臣顧寰王邦瑞悉心整理大有次第相應酌量調發合無備行戎政大臣選兵四枝專在居庸鎮邊二區防春正月十五日啓行三月終旬回營再發兵四枝專在居庸鎮邊二區防秋七月十五日啓行九月終旬回營每枝三千名止用馬軍三百以備傳報其餘二千七百俱用步軍其步軍盔甲器械上邊之日暫借闔營之馬馱送班滿盔甲器械

交付該區叅將分守官收貯以備次班應用免致往返勞費春防用叅將尹秉衡曹鎮佐擊王國柴愚管領秋防用叅將楊正方圓佐擊劉臣錢炳管領居常則督軍操練火器及期則督軍肅隊以行若果臨期無警聽總督官具實奏請另議進止叅遊官到鎮悉聽總督巡撫節制不許抗違

一該鎮糧餉雖有總督兼理於上郎中主事分承於下緣彼此原非專屬甲可乙否動見牴牾自昔用兵固未有食不足而兵足之理臣等悉心圖維必須該部大臣專一督餉則職掌旣明施爲自易合無移咨

戶部於本部左右侍郎內奏差一員量兼憲職請給
勅諭關防書吏前去薊州任劄專一管理昌薊二鎮主客
二項錢糧并查催各省拖欠民運各區錢糧但有不
足兵備副使即便呈請督餉衙門處發一年滿日另
差侍郎前去二三年間事體停妥總督官照舊無理
侍郎不必再差見今年成豐稔正當收買之時若果
戶部帑銀不敷工部借銀十三萬兩戶部發銀十萬
兩交與侍郎帶去或補主兵之糧或給客兵之糧或
召買新鮮米豆安置倉廩以備支用務要區處得宜
不致浪費兵備將領軍衛有司等官悉聽節制公勤
者從實舉薦怠弛者從重叅奏一切侵漁奸弊悉聽
侍郎區處庶幾士嗜馬騰以之練兵則兵可強以之
禦虜則虜自戢提綱挈領此其首務

一火器中國長技在各邊用之於戰其利什一在薊
鎮用之於守其利什九仰蒙

皇上洞悉邊計頃者勅下臣博速將宣大薊鎮多發火器
臣等奉行惟謹俱已陸續督發但先年所發之數似
亦不少該鎮漫無章程有用之物置之無用殊為可
惜相應立法稽考合無移咨總督都御史楊選巡撫
都御史徐紳將各區先發今發火器火藥通行查出

備造循環文簿二本每季終差送工部倒換如果見在火器火藥尚不足用即便會同具奏聽候再處其本處歲造火器火藥亦要一體查明附入簿內

一各區主兵近來分布不一或今歲在此區明歲又在彼區防春又在此區防秋又在彼區以致軍士地方險易不能熟知東奔西馳殊無固志至於寧山等衛班軍輪戍薊鎮卽同主兵相應一體整理合無移咨總督都御史楊選卽將各區主兵公同鎮巡兵備等官分派停當一面具數咨部一面出給簡易告示諭衆知之以後不許輕易調動其應援客兵聽其臨

時斟酌不在此限本部一面咨行各該巡撫都御史各將寧山等衛班軍遇有逃故者先於別項軍內選補務足原額每軍啓行之日各先處給月糧三箇月具由奏知如仍前玩愒聽薊鎮總督官從實叅究

一兵家之法先則制人後則爲人所制薊鎮雖稱專一擺守墻垣賊果臨墻患已剥膚終非萬全之計出奇以制之多方以誤之封疆之臣自當加意整飭合無移咨總督都御史楊選卽將邊墻之外逐一踏勘要見何處可以火攻何處可以水攻何處平夷應該剷削何處險隘應該堵塞近則十數里遠則一二十

里五七十里要在因地制形以爲牆之籬籬至於應
嘯人役果能嘯探明的卽照近日題准事例實陞職
級仍重加犒賞犒賞之費於撫夷銀內動支銀如不
敷再行奏請至於州縣村落多無城堡亦當一體脩
繕臣博往年巡撫甘肅嘗創爲墩院之法其費甚簡
其益頗多容臣畫成圖式咨送楊選以次整頓但成
一處卽有一處之益不必欲速務求遠利

一山海一片石等處相去薊州數百餘里軍士本色
月糧俱於薊州倉關支甚爲不便雖有委官總領無
力轉運只得就彼減價糶賣兼之委官任意侵漁及
至到營每軍僅得銀一錢二錢而已臣博總督之時
已嘗題准令其本折隨宜兼支頗聞管糧郎中泥於
舊例至今未見遵行臣等以爲政貴宜民法當通變
軍欲折色我卽以折色給之却將遺下本色查給附
近倉口軍士遠者近者均爲有益何憚而不爲合無
移咨督餉侍郎到鎮之日加意一處仍備細回奏
一朶顏三衛屬夷撫賞之舉雖不可廢各該將領向
因無處措辦未免剝及貧軍蠹壞操練此爲第一弊
政况彼夷乍臣乍叛全不足恃必須恩威並行使其
旣知所感又知所畏方能經久合無備咨總督都御

史楊選今後夷人安心向化者該入貢則聽其入貢該撫賞則優為撫賞如敢入邊剽竊或在邊外撲殺應嘯人役即便着落夷中頭目將賊人賊贓盡數獻出以正法典如果負固不服相機發兵設法勦捕不得駕言誘殺撲殺以致肆無忌憚合用撫賞銀兩每年戶部出銀一萬兩本部出銀五千兩共銀一萬五千兩與同本處香錢等項相兼奏支將領如再科軍一錢輕則降級重則調發口北極邊衛分以示懲戒以後一切工役不必累軍銷其銳氣

一廢棄將領欲其使功不如使過即如近日原任總兵官姜應熊與同遊擊胡鎮岔道一戰大挫賊鋒是其明驗必須多方搜取置之軍門方收群力群策之效合無移咨總督都御史楊選速將各邊廢棄將官徑自選取有智識者則用之練兵有勇略者則用之禦虜隨才器使各盡其長有功之日指名具奏以憑擢用其見在軍門怯懦不才者即日分別革退以除振武主兵之害

覆巡視西關御史黃紀等覆勘昌平岔道功賞疏題為官軍奮勇策應戰退虜衆事職方清吏司案呈奉本部送兵科抄出巡按直隸監察御史黃紀題前事

又該總督薊遼保定等處軍務兼理糧餉都察院右副都御史楊選題為查明禦虜有功官軍乞

恩甄錄事俱奉

聖旨兵部知道欽此欽遵通抄送司案呈到部看得巡按直隸監察御史黃紀題稱查勘過本年九月內大舉達賊攻犯岔道等處官軍各用槍砲拒回及稱軍門標下叅將胡鎮原任總兵官姜應熊功當首論昌平總兵何淮軍門標下中軍原任叅將李康民原任遊擊竇淮居庸關分守林爵功當次論叅將胡鎮下家丁白天福胡天福管家丁把總馬勳李鼎總兵何淮

下家丁何廷胡等功當併論總督薊遼軍務右副都御史楊選功勞特異宣府總兵官李賢昌平兵備副使栗永祿均屬有功乞要將胡鎮姜應熊特加甄錄何淮等量加甄錄白天福等優賞陣亡被傷家丁姜寬等優恤及稱姜應熊原任寧夏總兵叅問未結似當容其贖罪又該總督薊遼軍務右副都御史楊選具題大略相同內稱旗牌官魏棟所宜併錄保定兵一千名中軍千把總等官所宜通錄各一節為照蠡茲醜虜往歲秋高止在懷來隆保之間咫尺居庸未敢突犯乃今深入岔道相去居庸正關僅三十里雖

金湯之險勢難遽越而繹騷之患不可不慮恭惟

聖皇在上天語叮嚀至再至三各該將領仰仗玄威恪遵廟筭一戰之功足寒虜膽巡關御史黃紀親蒞其地得之目擊比之常時虛文規報者迥不相同所據効勞人員如總督薊遼軍務都御史楊選兼程赴急調度允中機宜鎮守宣府總兵官李賢昌平總兵官何淮兵備副使栗永祿合謀決勝指授不避艱險軍門標下叅將胡鎮原任總兵官姜應熊一則志存滅虜能脫危將之倒懸一則奮不顧身躬犯強胡之血刃均抱萬夫之勇大伸九伐之威旣將家丁人等併勘明

白具題前來事干激勸相應通行議擬合候

命下將楊選重加陞俸仍加賞賚胡鎮超格陞賞姜應熊免其提問准以祖職遇缺推用仍重加賞賚李賢何淮栗永祿李康民竇淮林爵量加陞俸家丁白天福等把總馬勳李鼎重加陞級不願陞者賞銀一百兩旗牌官魏棟量復祖職仍聽軍門各重加犒賞保定兵一千名及家丁并中軍千把總等官量加犒賞陣亡家丁軍人姜寬等六名兒男各准襲陞二級被傷家丁姜山等七名厚加優恤但

恩典出自 朝廷嘉靖四十年十月初十日題奉

聖旨楊選陞兵部右侍郎兼右僉都御史照舊總督賞銀四十兩紵絲三表裏胡鎮陞二級姜應熊免提問准復職推用還各賞銀三十兩二表裏李賢等各陞俸一級白天福等馬勳等各陞一級其餘都依擬行本兵效勞楊博賞銀二十兩葛縉郭乾各十五兩俱一表裏欽此

請催江西守臣依限平賊起復副使譚綸統兵疏題爲江西賊情過限未見平寧乞爲查催以靖地方事職方清吏司案呈照得江西流賊節該本部題奉

欽依定限九月以裏平寧回奏卽今十月將半尚無消息呈乞查催等因案呈到部看得江西賊情與北虜之事迥不相同北邊諸虜入犯有定時方禦者信地因時戒嚴畫地分守自可收功至於江西之賊始於南贛有巢之孽濟以廣西無歸之兵本地惡少因而煽動蟻聚蜂屯勢漸燎原節該本部題奉

欽依請勅總督浙直尚書胡宗憲兼制江西督兵會勦又行南京兵部尚書李遂發兵策應又將巡撫江西都御史兼理軍務江西福建廣東各監察御史隨軍紀功江西分巡湖西道加添兵備職銜江西都司添設領兵僉書萬安縣添設守備又將太僕寺寺丞趙鏞所議保甲之法備行整飭又將失事叅將谷陽守備

李寧都司王瑞張啓謨拿解來京一切撫勦事宜通
聽胡宗憲與提督兩廣侍郎張臬巡撫福建都御史
劉燾巡撫江西都御史胡松提督南贛都御史陸穩
相機會行仰惟

聖皇在上軫念生靈日勤南顧

廟堂籌策似已明盡乃今十月將半未見平寧之奏且張
元冲楊伊志已經聽勘幸任胡松陸穩未見接管任
事潢池小警雖同遊釜之魚在江大邦難容入市之
虎所據該司乞要查催委當亟處合候

命下本部馬上差人齎文交與胡宗憲張臬劉燾胡松陸
穩各照本部題准事理督率兵將矢心協力刻期蕩
平卽今

欽限九月已過以後比照邊方事例每半月將已獲流賊
若干未獲若干平寧過地方幾處未平幾處各另從
實具奏通候事寧覆請定奪如敢仍前玩愒從重究
治及照巡按江西御史段顧言生長邊陲素閑韜略
邇來疏議洞悉賊情既受監軍之責事干兵機者當
與督撫等官公同計議不得互分彼此功成之日不
拘巡按常例一體甄錄原任浙江巡視海道副使今
回原籍撫州守制譚綸訓練土兵久著勞績卽今胡

宗憲所統多係本官訓練之人兵將相習勢同臂指
茲當桑梓腹心之虞必切痛憤本部備行胡宗憲或
將本官延置軍門資其贊畫或暫今起復責其任事
徑自奏請定奪再照閩廣之賊所倚重者數巢穴耳
其大者在福建則有上杭峯頭永春蓬壺在贛州則
有岑崗下歷在廣東則有潮州大埔程鄉饒平等處
今雖越境劫掠不無身家累念若得一二驍將統領
勁兵乘虛擣瑕在我則攻其必救在賊則勢必內顧
蕩平之略似亦一策但道理隔越兵難遙度全在督
撫等官徑自計處本部不相遙制通乞

聖裁嘉靖四十年十月十一日題奉

聖旨是這賊猖獗日甚地方官通不用心欺天禍國可歎
着胡宗憲作速前去督率各該巡撫等官刻期平勦如
或仍前玩視叅來重治段顧言著協計用兵有功一體
陞賞譚綸准起復統領浙兵殺賊欽此

覆都給事中張益等請覈宣大陝西邊臣秋防功
罪以重春防疏

題爲乞 勅總督鎮巡等官預備防春以禦虜患及查
議邊務事職方清吏司案呈奉本部送兵科抄出兵
科都給事中張益等題奉

聖旨兵部知道欽此抄出送司案呈到部看得兵科都給事中張益等具題大率謂今秋虜衆雖稱出邊時每進搶瞬息春到必求大逞乞要嚴

勅宣大陝西各該總督鎮巡等官先事預防及稱大同地方守備劉晉臣被縛延寧等處大虜進境數次總督巡撫率相隱匿及要將總督李文進程軌巡撫陳其學謝淮孫慎等孰爲盡心失策及總副叅遊等官有無失事情罪原任總兵官劉漢趙應勘問事情通行巡按御史分別叅奏以後查勘功罪俱聽御史覈實不許掩飾各一節爲照蠶茲醜虜自黃河以西侵入

我境則延寧總督撫鎮之責自黃河以東侵入我境則宣大總督撫鎮之責往時止於防秋今則無分冬春一體戒嚴往時止於搶掠今則專攻墩堡多方騷擾各該官員始爲隄備不嚴旣而調度失策職任所在委難辭責除陝西總督都御史程軌延寧巡撫都御史孫慎謝淮見該巡按陝西御史董鯤另本叅論吏部會同臣等議覆外所據宣大總督都御史李文進久在開府機宜漸熟大同巡撫都御史陳其學新入雲中忠猷夙抱似難輕棄該科具題無非慎重闡寄之意至於查勘功罪付之分巡委有扶同之弊相

應通行議擬合候

命下移咨都察院轉行宣大陝西各該巡按御史查照該科今議并本部節行事理通將各起賊經地方嚴加查覈總副叅遊等官孰爲有功孰爲失事李文進陳其學有無干礙通限一月以裏從實回奏劉漢趙應所犯事情一併作速勘問今後各邊功罪悉聽巡按御史紀驗覈實督撫官不許仍稱該道查明以滋欺隱之弊一面咨行各該總督鎮巡等官乘此虜退之時悉心春防兵糧不敷作何處置墻堡未完作何修葺應奏請者徑自奏請應施行者徑自施行務要先事有備伐虜之謀不宜後時無功墮虜之計嘉靖四十年十二月十七日題奉

聖旨是欽此

請究山東等處隱匿賊情疏

題爲查究地方盜賊事職方清吏司案呈照得先該本部爲傳奉事奉

聖旨朕聞各處強賊甚多何有司者欺心坐視全不經理兵部便行文與各該巡撫官便着嚴督有司撫緝擒捕務要靖除如仍前怠視的從實叅究處治欽此欽遵隨該本部將撫緝擒捕事宜條議上陳已經奉有

欽依通行外查得入冬已來訪知山東滕縣等處大盜行劫甚至截傷會試舉人直隸順義等縣劇賊嘯聚甚至突入近京地方順義之賊已經本部指授方略備行薊遼總督侍郎楊選巡撫都御史徐紳兵備副使張邦彥等并提督巡捕都督馬陽輝等相繼擒獲餘黨解散其山東之賊近據巡撫都御史謝東山題稱並無盜賊生發顯有隱匿情弊呈乞查處案呈到部看得畿輔地方乃京師之肘腋山東地方爲南北之咽喉均屬緊要臣等自奉

聖諭以來節行各處巡撫兵備等官設法勦捕至於畿內山東尤嘗注意蓋外之夷狄內之盜賊其害惟均撲滅於早則爲履霜其力甚易撲滅稍遲則爲堅冰其力甚難所據山東之賊喧騰遠近聲勢頗張而巡撫所報乃稱並無一賊其爲有司隱蔽不言可知事在彼中相應通行勘處合候

命下本部馬上差人咨行山東巡撫都御史謝東山再查果有賊徒督率兵備州縣等官設法擒捕有罪官員應住俸者照例住俸應拿闕者徑自拿問旣不可過於嚴急亦不可專事姑息一面移咨都察院轉行山東巡按御史自本年十月初一日起至十二月終止

楊襄毅公奏疏 本兵卷之四
通行查勘要見其處其賊劫掠曾否擒獲有無申報
卽今道路果否通行干礙巡撫兵備等官從實叅究
其順義之賊雖稱漸寧巢穴仍在薊州盤山平谷葫
蘆峪一帶督撫官楊選等亦要多方搜訪痛加勦除
其京城內外仍聽臣等督率提督叅將把總等官晝
夜戒嚴以絕奸萌以安黎庶嘉靖四十年十二月十
七日題奉

聖旨是山東及近京地方盜賊肆行巡撫官緣何未見奏
報顯是隱匿着各該巡按御史從實查叅具奏仍作速
勦捕不許怠玩欽此

議發京兵輪戍薊鎮疏

題爲虜賊退遁及時整飭邊防以圖治安事職方清吏
司案呈奉本部送兵科抄出總督京營戍政太子太
保鎮遠侯顧寰等題奉

聖旨這管兵出邊防守與原議減邊兵數多三枝應否遣
去兵部還詳議來說欽此欽遵抄出送司案呈到部看
得京營之兵頻年坐食漸成驕惰近議揀選四枝戍
守居庸鎮邊二區其說有四其一則京兵習見烽燧
慣經勞苦可以轉弱爲強其二則居庸鎮邊原有懷
保在外警報絕少卽使有警去京不及百里朝發而

夕可至比之遠調宣大保定之兵勞費懸絕其三則春防之月該鎮止留邊兵三枝一有聲息居庸鎮邊未免分置邊兵兵力弱顧理不周若得京兵戍守二區邊兵自當專管古北冷口緊要處在此則爲虛聲在彼則得實用其四則臣等原題若果臨期無警聽總督官具實奏請另議進止卽如來春果無警急京兵自難輕發所省錢糧更爲不貲所據戎政大臣顧寰等具題前來相應通行計處合候

命下備行戎政衙門查照本部原議將參將尹秉衡等所領防春官軍四枝整朔停當

効書旗牌砲火等項

本部預行該部請給稍待來春居庸鎮邊果有警報容臣等再行斟酌或量發二枝或全發四枝具由奏知如果無警通不必發務中機宜仰體我

皇上節財省費至意一面移咨總督侍郎楊選必須宣府實有聲息方許請兵不宜無事張皇自悞邊計嘉靖四十年十二月十九日題奉

聖旨這營兵聽候薊鎮探有的實警報方許題請量發一二枝防守邊臣不許虛聲張皇請兵徒增餉費無濟實用欽此

議發馬價銀兩買給宣大薊鎮軍民牛種疏

題爲雪澤普降乞

恩處給牛種以脩農政以惠邊人事職方清吏司案呈照得卽日天降大雪審據宣大薊鎮公差員役俱稱霑足但恐邊人缺乏牛種足食足兵事體相關呈乞查處案呈到部臣等仰惟

皇上誠感上玄惠流下土茲者履端伊始雪澤屢降真爲盈尺之祥行見千箱之慶但宣府大同薊鎮三處逼鄰虜境十室九空卽日春融正當佈種之時或有牛無種或有種無牛遷延過時自絕秋成之望臣博向在右衛固嘗目擊其苦若使因天之時順地之利稍

爲處給計種一石可得子粒數石富民以裕

食以強兵比之歲荒召買之費月糧折支之數曷啻

倍蓰戶部帑銀見稱缺乏本部馬價數雖不多尚可

措置係干邊計不敢自分彼此相應通行議擬合候

命下劄行太僕寺於馬價銀內動支三萬兩宣府大同薊

鎮各發一萬兩差官分解巡撫都御史趙孔昭陳其

學徐紳處責委各該守巡兵備等官收買各樣種子

沿邊軍民中審其十分貧乏者分等查給合用牛隻

官爲勸借令其趁時佈種秋成之日抵斗還官另立

小倉收貯專備來年給種支用巡撫衙門仍置循環

楊襄毅公奏疏 本兵卷之四
文簿二扇年終赴部倒換查考嘉靖四十一年正月
十一日題奉

聖旨這所奏足見用心邊政銀兩准給發各鎮着實舉行
欽此

覆宣大總督都御史李文進等奏報逆富殛死疏
題為仰仗 天威逆賊伏誅事職方清吏司案呈奉本
部送兵科抄出總督宣大山西等處地方軍務兼理
糧餉都察院右副都御史李文進巡撫大同地方贊
理軍務都察院右僉都御史陳其學題俱奉

聖旨兵部知道欽此抄出送司案呈到部看得大同督撫
官都御史李文進等題稱四十年十一月初八日逆
賊丘富攻榆坡等墩官軍射傷回營身故又據案子
頭墩軍王成報稱達賊叫哇四傳說丘富病死緣由
及稱叅將麻祿等似應錄賞降人聶良儒并各墩探
報人等亦應量賞被執今回劉晉臣等似應曲宥優
錄各一節為照逆賊丘富本以華人甘為虜役攻圍
右衛戍數萬之生靈騷擾西京竭五郡之膏血彌天
之罪罄竹難書蓋世之惡擢髮未盡仰仗

聖皇在上加意邊民上祈玄穹之祐靈貺允孚下懸伯爵
之賞罪人果得神奪其魄值黃風蔽日之辰天厭其

兇當朔易亥冬之候身屍爲虜焚燒立成灰燼妻孥
被虜淫蕩坐見陵夷

神功聖武臣等淺昧何所揄揚伏望擇日謝玄以答

上天之眷以慰邊士之心臣等無任惓惓懇切之至及照

總督都御史李文進巡撫都御史陳其學屢建搗巢
之議同懷報國之忠執馘之功雖未有成擒逆之

略亦難輕泯似應各加賞賚參將麻祿等并降人聶
良儒及各墩嘯報人等通聽軍門分別犒賞守備劉
晉臣始而力戰被擒終能奉身歸正情委可原似應
免究嘉靖四十一年正月十五日題奉

聖旨這逆賊背華導虜擾害邊境罪不容誅茲賴上

天肆殛誠當仰感

謝典候旨行李文進陳其學各賞銀二十兩紵絲二表裏
麻祿等着軍門分別犒賞劉晉臣准免究欽此

再議巡撫江西都御史胡松會兵合勦事宜疏

題爲乞審事體酌時宜以申嚴軍政弭塞禍源事職方

清吏司案呈該巡撫江西等處地方兼理軍務都察
院右副都御史胡松題內一欵申明夾攻以一事體

該本部議覆題奉

聖旨會兵合勦事宜還詳計來說其餘依議行欽此欽遵

抄捧送司案查先該巡按江西監察御史段顧言題
開欲要四省督撫諸臣同心共力定約興師早圖大
舉抑或四省道路相去甚遠約會頗難欲要本部
議覆廣兵自某月日某處進閩兵自某月日某處進
南贛之兵自某月日某處進江西浙江之兵作何赴
援防遏各定以

欽限不得違悞等因該本部議得合無馬上差人齎文交
與總督浙直江西尚書胡宗憲提督兩廣侍郎張臬
巡撫福建都御史游震得巡撫江西都御史胡松提
督南贛都御史陸穩各要同心協力約會停當廣兵

閩兵南贛兵俱限明年二月各酌量要害處所相機
進勦江西浙江發兵應援防遏事在閩外應勦應撫
并未盡事理悉聽彼中劑量本部不相遙制題奉

聖旨各省會兵進勦事宜各該督撫官計處停當協力舉
行務在賊寇盡絕地方寧靜或推諉悞事着胡宗憲及
各該紀功巡按御史叅奏治罪欽此欽遵外今該前因
案呈到部看得會兵合勦一事本部先揆其端猶爲
億度之詞御史段顧言後竟其說得之聞見之切顧
言之意大率謂四省相去甚遠約會頗難欲將廣兵
閩兵南贛之兵各定日期各自某處進入蓋因閩廣

南贛俱有賊巢我兵一時並勦使其彼此不相顧盼不能奔逸在我則千里之遠聲勢聯絡勢不同而心同在彼則一膜之隔氣脉斷絕人雖多而寡助已蒙聖明俞允令其計議停當協力舉行固非爲四省之兵同搗一巢也事不由於中覆兵實付於外圍至於浙江江西之兵止言應援防遏不言進勦乃因彼處原無賊巢其理可以槩見臣等反覆參詳御史段顧言都御史胡松先後所議不甚相悖卽今江西地方雖稱暫寧閩廣巢賊居然尚在譬之洪水上流方在澎湃下流難免衝突或塞其源或殺其勢無容但已但用兵之事不難於人力而難於同心臣等謹將應行事宜忘其愚陋開坐上請伏望

皇上俯賜裁定

勅下遵行地方幸甚嘉靖四十一年正月二十八日題奉聖旨依議行段顧言巡按事畢准留紀功協贊兵事欽此一正賊名臣等議得用兵之法殲厥渠魁脇從罔治今之巢賊在南贛則程鄉林朝曦戕殺憲臣在廣東則饒平張璉僭擬明號大埔蕭雪峰比周爲黨在福建則上杭李占春蓬壺呂尚四攻陷城池 國典昭然罪不容貸其餘未動諸巢與脇從之徒情尚可矜

似難槩行搜勦御史段顧言謂一散則爲百姓原非
怙終意誠有見於此合無移咨胡宗憲張臬陸穩游
震得各將前項作孽賊巢會定月日各另進勦務擒
真正首惡以正法典其未動諸巢并脇從之徒出給
告示令其安心樂業果能自相攻殺擒斬來降亦聽
一體奏請厚加獎賞

一計征調臣等議得三省閩廣南贛雖稱各另搗巢
中間兵力多寡強弱參差不齊謂之會勦者正欲裒
多益寡轉弱爲強且恐彼賊一見大兵奔突鄰境其
鄰境果能同心戮力因而遏巢使其進無所趨退無

所據方協 天討之義合無備行胡宗憲張臬會同
胡松游震得陸穩段顧言各將本處兵馬逐一料理
要見今攻某巢計用兵力若干見有若干不足若干
應於何鎮調取浙江江西之兵應該就近應援何處
不至老師費財一面徑行一面具由奏知其汀州邵
武建寧三府正是賊入江西要路仍聽游震得行漳
南武平建寧等道兵備等官如有遇賊流到彼處極
力堵截仍行馳報江西湖東守巡官合兵夾勦如再
玩寇殃鄰聽段顧言指名叅究

一定協計臣等議得搗巢之議詳於御史段顧言

楊秉毅公奏疏 本兵卷之四 四十一
屢有建白計料賊情如指諸掌本官仰奉

明旨協計用兵正在運籌之際卽今巡按事務一年已滿御史陳志近去接管無容別議合無仍留本官在彼駐劄專一紀功一切軍機悉與胡宗憲張臬等計議而行江西善後事宜與胡松計議以次會奏中間如有推奸避事養寇殃民者聽從實糾舉賊平之日遵照 欽依與督撫官一體陞賞

一嚴禁戢臣等議得各省所調之兵經過地方輒肆騷動卽如近日狼兵爲害不淺蓋緣調發之時旣無的數可以稽查徃回之際又無專官爲之統攝或肆

行搶掠未受平賊之利先罹調兵之害言之可痛合無移咨軍門如遇調取浙江閩廣等兵務將選定名數先期移文經過地方官司知會以便應付仍選委風力守巡官一員督押各兵到彼悉聽各該軍門從宜分布撤回之日照前管押迤邐出境敢有仍前生事擾人者聽督押守巡官照依軍法從重處治其經過所司合用供應亦要預先處備及時給散以慰遠征之苦不許稽留致起爭擾

一處錢糧臣等議得用兵之要全在足食節該提督南贛都御史陸穩等題稱每省用兵各約費錢糧十

萬欲將所轄南雄商稅潮州鹽稅各借支二萬及查得兩廣南贛軍餉近年俱議解京以致彼中束手別無所措及至官兵調到張口待哺似非空言所能鼓動臣等所謂不難于兵力而難于財力者正此謂也但事在戶部臣等不知其詳與其遠請帑銀不若近留軍餉一則可以振勵人心一則可以脩明兵政合無咨行該部速議具奏

遵 諭申飭京城巡捕事宜疏

題爲欽奉

聖諭事職方清吏司案呈奉本部送准本部左侍郎葛縉

咨該 內閣傳奉

聖諭朕聞京城之內近多凶盜縉當加意督衛于

玄都四圍夜尤警巡希孝官校可着夜分派數十名于橋

西地守巡示二臣知欽此除本職欽遵加意督衛外合

咨本部煩爲查照施行等因到部送司案呈到部臣

等看得京城內外自雪澤降後督捕頗嚴止是近日

兔兒山馬房失盜查係三河縣地方去京一百餘里

屢經本部會同錦衣衛掌衛事都督朱希孝督率各

該兵守等官陸續拏獲強盜王英并蕭大義各另題

知見送法司收問臣等竊計輦轂之下九州四海之

人悉萃於此中間詐偽奸盜之徒委當慎防以絕禍
萌所據一應防守事宜相應通行議擬合候

命下備行提督巡捕都督馬陽輝督率叅將把總等官嚴
加巡緝務期民安盜息仰副我

皇上軫念至意臣等無任悚息之至嘉靖四十一年二
月初十日題奉

聖旨依議行欽此

一巡捕馬匹原額五千六百四十一匹見在止有三
千七百七十六匹較之原額尚少三分之一除居常
巡警外防秋之日用塘馬傳報隆冬之月用馬軍按

伏差用繁劇不敷分布合無聽本部劄付太僕寺於
各州縣寄養馬內調取一千五百匹兌與無馬官軍
騎操嚴行提督馬陽輝責令各軍用心喂養不許尅
減顧覓自取罪究

一巡捕官軍原額一萬員名見在止有七千一百餘
名雖經本部劄委職方司郎中周鑑專管勾補一時
不能卒完查得先年事例多於營內取撥合無聽本
部備行戎政大臣顧寰江東先將在營精壯官軍量
撥二千員名交付提督馬陽輝管領相兼舊軍一體
巡緝不敷之數候有清到軍士陸續再發

一巡捕官軍先年提督巡捕都督桂勇具奏該本部覆題一應捕盜人員果係兇惡強賊聚至百人以上一日之內臨陣對敵擒斬三名顆爲首者照依弘治年間事例陞一級不賞爲從者每名顆賞銀五兩其有對敵臨時被賊殺死者子孫亦陞一級若係拏獲積年劇賊一名者賞銀十兩陸續緝捕強賊并妖言賊人者每名賞銀五兩三人同獲一名均分每年終提督官將部下功次通行具奏本部行查原問招由明白不分擒斬緝捕委官每名賞銀二兩把總官每名賞銀一兩提督官每十名顆賞銀十兩一百名顆賞銀三十兩二百名顆臨時奏請量加陞用前項銀兩先將見獲賊銀儘數充賞不敷之數行太僕寺於收貯缺官皂隸銀內查給奉

聖旨是獲功的准照例給賞欽此卽今數年未曾舉行人心似無激勸合無聽本部劄行太僕寺將收貯缺官銀每年動支五百兩發武庫司寄庫以後官軍果能擒獲兇惡強賊并拒捕斬獲積年劇賊及妖言等項賊徒先儘所獲賊銀充賞如或不足就以前項官銀給賞開造文冊查考不敷再支多餘留湊下年支用每年終仍將類報盜賊起數行查招由明白通行題

請照例給賞若巡邏不嚴勦捕無功致賊滋蔓貽害
地方并妄報功次者悉聽本部與該科指實叅治
一京城內外多有無藉之徒私自潛住仰仗

聖明在上雖無別虞先年有例禁戢不爲無意卽今盜警
未息似當一體查處合無聽本部備行廠衛衙門巡
城御史及提督巡捕官五城兵馬司各照地方將罷
閑官吏并一切豪俠可疑之人盡數逐回原籍不許
一人潛住兵牌隣里如敢縱容不舉查出通行問發
但不許因而騙詐平民自取罪究

開陳防勦南北寇虜要務疏

題爲計處邊務以防兵寇事職方清吏司案呈照得近
日風沙地震相繼迭見大率兵寇之象在東南則廣
東福建江西等處狂寇竊發正值春汛之後在西北
則薊遼雲朔諸邊驕胡窺伺又當春暖之時呈乞通
行申飭案呈到部臣等切惟天道上睿而風沙爲異
地道下凝而震動失常以陰干陽委屬兵寇爲患之
象仰蒙

皇上至誠玄德獨契天心 上天垂示何啻面命雖
神武自昭不殺之威而修禳當爲先事之備臣等待罪本
兵至愚極陋茲蒙

楊襄毅公奏疏 本兵卷之四 四六
天語叮嚀令其計處敢不悉心議擬仰承萬一所據東南
狂寇西北騎虜一切防勦事宜除已經題奉

俞旨者不敢再瀆外謹撥其大且要者開坐上請伏望
俯賜采覽勅下遵行上咨 天庥下脩人事地方幸甚嘉

靖四十一年二月十二日題奉

聖旨這防勦事宜都依議行欽此

一東南狂寇第一則饒平張璉其次則程鄉林朝曦
大埔蕭雪峰上杭李占春蓬壺呂尚四蓋張璉者本
以編民曾充斗庫乃敢占據山寨多築城堡近交廣
東陰為招撫之計遠攻江右肆其谿壑之欲蠹出鬼

沒奸狡至極臣等連日以來 朝官內訪其熟知彼
中賊情者與之商確頗得其詳各該村落原與賊巢
相去不遠愚民畏死不過苟免從逆至於忠順

朝廷之心人人有之見今提督兩廣侍郎張臬徵調狼
兵十萬刻期搜勦大軍所至勢如破竹目前所最急
者槩有四事其一重兵先當壓境聲罪致討一面出
給簡易榜文曉諭脇從之人聽其首官給與免死票
帖隨宜安插其二則傳諭賊巢以內之人許其立功
自贖能將賊首擒斬來獻者重加賞賚仍許奏請厚
與一官其三則明開賊首原係窮兇決在不赦使其

黨與各知罪人所在自相携二其四脇從旣散賊首
如果尚未就戮然後乘其勢孤督率官兵一鼓擒之
在我兵則事出萬全收張弛有道之功在我民則仁
活萬命免玉石俱焚之慘不特張璉一巢其餘有名
四巢事體大略相同合無聽臣等通行尚書胡宗憲
侍郎張臬平江伯陳王謨都御史游震得陸穩胡松
計議施行未盡事宜相機區處不相遙制本部仍照
江西事例印押空名劄付三百張齎送張臬收貯遇
有義勇人役堪克千把總頭目者酌量填給令其冠
帶以示激勸事完造冊奏繳至於議留廣東南贛軍
餉鹽課一節係于用兵機要仍乞

聖明俯從臣等原議勅下戶部及早覆請定奪

一西北騎虜在宣大薊鎮則爲俺荅辛愛把都兒土
蠻在遼東則爲虎哈喇赤在陝西則爲吉能至於老
撒脫禿小一千元慎擺腰王文打賴等部猶爲小種
比年以來不止秋高入犯一入春月輒行侵軼陝西
爲遠宣大遼東稍遠惟薊州一鎮切近畿甸尤爲喫
緊而古北燕石二區逼鄰虜巢倏忽卽至近該戶部
議得有警方許調兵審時度勢自是緩不及事合無
聽臣等移咨總督侍郎楊選目下先將遼東一枝大

同二枝分投徵調宣府定州保河各兵再酌緩急以
次徵調其良涿一營并鞏華各區遊兵候警另調京
營之兵遵照 明旨必須實有警急方許題請量發
腹心之地比之四肢不同寧可爲先事之圖不宜貽
後時之悔宣府大同遼東山西四鎮總督李文進巡
撫陳其學趙孔昭楊宗氣吉澄公同總兵官姜應熊
馬芳等方在整飭無容別議至於陝西延寧固原三
鎮自去歲地震之變邊牆倒塌以致虜賊常任邊內
極其騷擾趁今春暖正當修舉之時而新推總督都
御史喻時頃因淮揚賊情奉 旨回話雖有舊任總

督程軌在彼人心解體難以展布仰乞

聖明勅下喻時一面星馳前去陝西卽與程軌交代任事
一面作速回話恭候

宸斷關外之寄關涉爲重早到地方一日則有一日之益
臣等不勝大願

覆兩廣提督侍郎張梟等請勦逆賊張璉等疏

題爲乞請急調大兵勦滅屢招屢叛巨賊以救十分孤
危城池以靖地方大患事職方清吏司案呈奉本部
送兵科抄出提督兩廣軍務兼理巡撫兵部右侍郎
兼都察院右僉都御史張梟鎮守兩廣地方總兵官

楊秉毅公奏疏 本兵卷之四 四九
征蠻將軍平江伯陳王謨題俱奉

聖旨這地方寇患兵部便看了來說欽此抄出送司查得
前事先該本部併將巡按廣東監察御史蔡結所題
三省督撫官移鎮信地一本通行議覆未奉

明旨今該前因查呈到部看得兩廣提督總兵等官侍郎
張臬等所題廣東饒平縣賊首張璉一事臣等先於
本月二十三日據各官開送揭帖到部查係緊急賊
情惟恐延緩隨該臣等議得賊首張璉本以編民曾
克丰級乃敢廣糾黨與大肆兇殘陽為聽撫緩我征
勦之師陰蓄逆謀徐為拒守之備卽其根據雖近在
饒平一縣之間究其蔓延寔遠出閩江二省之外臣
等奮心切齒誓不與此賊共戴天日以故將兵糧戰
守事宜節次具題悉蒙

聖明俯賜俞允見今提督侍郎張臬總兵官平江伯陳王
謨調集狼兵十萬刻期舉事在張臬等則欲兵分六
哨在御史蔡結則欲移鎮信地無非用兵機要相應
通行依擬合候

命下本部馬上差人齎文交與張臬并福建都御史游震
得南贛都御史陸穩各照所定適中地方張臬於潮
州游震得於漳州陸穩於未定隨宜駐劄併力進勦

一而移洛江西巡撫都御史胡松知會屯守要害以防流突之寇其餘增兵應援把截一切機宜事在關外悉聽各官相機施行本部不相遙制等因具本題請恭候 明旨伏望

皇上俯賜裁定勅下通行臣等無任惶悚俟命之至嘉靖四十一年二月二十四日題奉

聖旨是著張臬等協力進勦務在刻期平定地方不許延玩欽此

覆貴州巡按御史巫繼咸等勘明苗功陞賞疏
題爲仰仗

天威蕩平苗患查明功罪以勵人心以重邊防事職方清吏司案呈奉本部送兵科抄出巡按貴州監察御史巫繼咸題前事又該總督湖廣川貴軍務都察院右副都御史今調外任用董威題爲仰仗

天威擒獲元惡勦平逆苗邊患悉除地方安寧事與同巡撫貴州等處地方兼理軍務都察院右僉都御史趙鉞題俱奉

聖旨該部知道欽此欽遵通抄送司卷查先該總督湖廣川貴軍務兵部右侍郎兼都察院右僉都御史黃光昇題爲請乞亟張軍威以禦苗患以安生靈事內稱

擒獲惡苗張問及未獲韓甸緣由節該本部題奉

欽依將總兵官石邦憲准其以功贖罪嚴令督兵搜勦果能擒獲韓甸勦平諸苗另行議功陣亡守備葉勳百戶魏國相伊男各襲陞二級俱經通行欽遵外今該前因查呈到部看得巡按貴州監察御史巫繼咸題稱播州容山司叛惡土舍韓甸竊據一方流毒三省各該官軍力戰焚巢生擒韓甸等三十八名斬獲賊級一百四十八名顆韓甸妻小九名并將助惡景洞白土等寨俘馘數多地方平寧及稱鎮守貴州總兵官石邦憲所當准贖仍加爵廕副使張廷栢李心學

叅議徐敦僉事胡直所當陞賞內張廷栢徐敦勞動尤多布政使楊守約叅議程時思副使况叔祺所當擢用叅將汪輔署叅將徐效節守備安大朝知府符仕原任守備宋奎推官劉蘭所當重賞冠帶舍人石山所當陞級土同知蒙繼武所當併論完銷伊男蒙天眷所當給與冠帶土舍吳允熙所當敘錄土舍楊通一所當准贖仍量加責治指揮李九霄等八員名通當陞級原任守備史淮立功鎮撫楊表軍人鉄冠所當併贖原任守備韓文等十一員所當量賞陣亡千戶郭繼武所當錄廕知府袁成能功浮於罪亦當

量賞知縣趙本情有可原所當改調原任都指揮張
時舉指揮張世勛百戶譚時所當提問總督湖廣川
貴侍郎今陞南京戶部尚書黃光昇所當准贖或量
行切責總督都御史董成功當首論原任巡撫貴州
都御史今陞南京大理寺卿鮑道明新任巡撫貴州
都御史趙鉞功當併論原任叅將今聽勘郭元所當
免罪仍令回衛又該總督董威巡撫趙鉞各具題大
略相同乞要將布政使李遷張希舉楊應奇叅議陳
紹儒僉事金世龍重賞通判韓紹奕知州李廷詔指
揮楊仲楊顯量賞巡按貴州御史巫繼咸巡撫湖廣
都御史張雨巡按湖廣御史姜倣巡撫四川今陞湖
廣川貴總督都御史羅崇奎巡按四川御史陳瓚敘
錄督撫總兵當該羅榮等役滿收選各一節爲照逆
舍韓旬始而篡立奪印已屬狂悖繼而糾聚生苗大
肆兇殘禍積廿年之久重貽三省之災節該本部題
奉

欽依責成督撫軍門協力搜勦刻期蕩平仰賴

皇上文武聖神玄威遠布以故將士用命渠魁授首積歲
之兇孽盡爲掃除諸洞之頑苗悉見底定所據一時
效勞人員除巡按御史巫繼咸等例不論功布政使

楊守約張希舉近該吏部考察革任楊應奇病故無容別議外如總督都御史董威巡撫都御史鮑道明趙鉞張雨新任總督都御史羅崇奎兵糧計處調度允中乎機宜總兵都督同知石邦憲鋒鏑躬親威信大行於荒徼卽其執訊獲醜之奇均有攘外安內之績旣該巡按貴州監察御史巫繼咸總督都御史董威等具題前來內董威見在聽調御史謂其功當首錄黃光昇先已陞任御史謂其罪當准贖并奏內應錄應敘人員相應通行議擬合候

命下將董威量復原職回籍候用黃光昇免其究治石邦憲特加陞級仍與鮑道明趙鉞重加賞賚張雨羅崇奎李心學胡直程時思况叔祺同加賞賚張廷栢徐敦石山李九霄等八員名各加陞級李遷陳紹儒金世龍汪輔徐效節安大朝符仕宋奎李廷詔楊仲楊顯劉蘭量加賞賚蒙天眷量給冠帶仍與蒙繼武吳允熙韓文等十一員并袁成能俱聽軍門分別犒賞史淮楊表鉄冠楊通一准其贖罪仍聽軍門量加戒治陣亡千戶郭繼武照例兒男襲陞二級張時舉張世勲聽巡按御史提問具奏郭元回衛閑住趙本移咨吏部酌量調用羅榮等通候役滿起送收選韓甸

潘繼舜等撫按官再審無異會官處決仍與已故潘仲林等分送各寨一併梟示莫氏韓四兒徑自定發安置嘉靖四十一年三月初四日題奉

聖旨是苗患蕩平各官效勞董威准復原職候用黃光昇免究石邦憲陞右都督同鮑道明趙鉞各賞銀二十兩紵絲二表裏張雨羅崇奎各十五兩一表裏李心學等各十兩一表裏張廷栢等各陞俸一級李遷等各賞銀十兩其餘都依擬行韓甸等依律會決莫氏等定發安置欽此

覆浙直總督尚書胡宗憲經略江西善後事宜疏
題爲經略江西善後事宜以圖安攘事職方清吏司案呈奉本部送兵科抄出總督浙直福建江西等處軍務兼巡撫浙江地方少保兼太子太保兵部尚書兼都察院右都御史胡宗憲題奉

聖旨該部看了來說欽此欽遵抄出送司案呈到部看得江西全省近雖暫寧方來之患委當預慮所據總督軍務尚書胡宗憲條陳四事無非地方善後之計合就開立前件議擬上請定奪嘉靖四十一年三月十四日題奉

聖旨准議欽此

一曰議將看得總督尚書胡宗憲所題大率欲要南
贛改設副總兵以吉安守備屬之建撫改設參將以
鉛山守備屬之會城添設遊擊如故鄱陽守備亦改
參將名色專練舟師控制九江一路仍要將原任遊
擊王應岐原任副總兵湯克寬宥罪用之無非掄將
責成之意查得王應岐湯克寬雄名勇略委難終棄
但王應岐見問克軍湯克寬見問死罪移咨法司另
行酌議外至於增設將官委干興革輿論必須僉同
事體方可經久合無移咨胡宗憲仍會巡撫都御史
胡松提督都御史陸穩紀功御史段顧言巡按御史
陳志逐一詳議停妥文書到日限半月以裏作速回
奏

二曰議兵看得總督尚書胡宗憲所題大率謂江西
主客之兵主兵除一萬三千外尚少四千聽巡撫衙
門選募客兵力不能支聽其再發標兵赴彼應援緣
前項將官既屬會議則主兵之事仍當備行前去一
併議處庶幾兵將相資不致矛盾至於調遣客兵事
在閩外悉聽胡宗憲如擬施行未盡事宜徑自酌處
不相遙制

三曰議賞格看得總督尚書胡宗憲所題先該巡撫

江西都御史胡松具題已經本部議得合行移咨江西南贛各軍門以後平定流賊一人就陣爲首擒斬有名劇賊一名顆者陞實授一級不願陞者賞銀三十兩以次劇賊一名顆者陞署一級不願陞者賞銀十五兩二名顆者陞實授一級不願陞者賞銀三十兩從賊一名顆者賞銀十兩二名顆者陞署一級不願陞者賞銀二十兩三名顆者陞實授一級不願陞者賞銀三十兩擒斬六名至九名顆者止陞實授二級署一級餘功扣賞不及六名顆者除陞實授一級署一級之外扣筭賞銀如二人三人四人五人就陣

共擒斬有名劇賊及以次劇賊一名至二名三名顆者查照前例給賞均分如就陣與賊對敵陣亡者不分官軍俱陞實授一級以上俱准世襲其不係臨陣一人有能捕獲以次劇賊一名顆者亦陞署一級不願陞者賞銀十二兩二名顆者陞實授一級不願陞者賞銀二十四兩從賊一名顆者賞銀八兩二名顆者陞署一級三名顆者陞實授一級不願陞者照數扣筭遞加給賞其領兵把總等官部下擒斬有名劇賊三名顆以上者陞實授一級從賊五十名顆以上者陞署一級三百名顆以上者陞實授一級不及數

者量賞以上俱不准世襲奉有

欽依通行去後今查所奏大略相同合無申飭江西南贛
兩廣軍門備刊榜文懸示衆知果有功級查照陞賞
四日議報效看得總督尚書胡宗憲所題切緣江西
地方雖稱承平日久民不知兵然世家義士目擊桑
梓之患感激報效理必有之至於盜賊黨與悔罪求
生尤當推廣其路今其自新合無移咨江西南贛各
軍門以後遇有本省世家大族集練家丁自備糧餉
情願殺賊報効者不拘生員舉監武生義士悉聽收
置軍門從宜委用有功之日照例陞賞若止倡率一
方保護鄉井獲有首級者一體陞賞雖無首級先聲
震壓致賊遠遁者督撫衙門分別犒賞爲首之人仍
給冠帶其不能自備糧餉假此名色希徒冒濫因而
武斷鄉曲生事害人者嚴加革治各省軍門仍大張
榜諭各起賊黨如有此起能擒殺彼起或三起四起
以至十餘起併衆投降及倡亂首惡除饒平張璉外
其餘果能悔罪自新領衆來降者撫按官審實無異
准贖原罪仍量加獎勸

再議遼東防禦事宜疏

題爲大虜入犯官軍拒敵出境事職方清吏司案呈奉

本部送該本部題准巡撫遼東地方兼贊理軍務都
察院右僉都御史吉澄揭帖看得巡撫遼東都御史
吉澄揭報虜情大率欲催促新任總兵官吳瑛到任
管事又欲總督軍門多發勁兵援應查得吳瑛近日
過山海關漸入廣寧巡按御史王得春因候交代住
劄前屯故奏報在先巡撫都御史吉澄開府廣寧為
虜所隔不知吳瑛已到以故至今方有此奏大率原
是一事但虜雖退遯尚在近境住牧防範機宜時不
可緩除遵照先奉

欽依仍行總督侍郎楊選雖經發去遊擊何壺遊兵一枝

日下應否再發兵馬徑自相機施行務要計處得宜
不得坐視彼患及顧彼失此外奉

聖旨這地方吉澄奏稱危急已甚所當亟處吳瑛果能勝
任否併防禦事宜你每還悉心計議來說欽此又奉本
部送兵科抄出巡撫遼東都御史吉澄題為大虜用
計蠶食攻克營堡地方危迫懇乞

天恩速發勁兵拯救生靈事奉

聖旨兵部看了來說欽此通抄送司案呈到部看得遼東
地方先年豐稔號為樂土以故馬健兵精在九邊中
稱為第一邇因旱魃相仍債帥相繼顆粒未收甚至

父子相食科尅未已甚至室廬盡蕩大虜猖獗每覘我之虛實屬夷狂悖反為虜之嚮導近日土蠻屯住老河欲窺薊鎮後因薊鎮有備移營遼東前屯一帶攻毀城堡殺虜人畜即今土蠻雖稱退遯而朵顏三衛并小一千部落假借聲勢時遣零騎入境侵擾又不止為虜嚮導而已臣等連日屢與總督侍郎楊選往來咨議楊選亦將應議事宜揭報前來有一時防零寇之計暫調精兵是已有經時防大虜之計增兵設險是已大率二事相為表裏不勦零騎則雖欲增兵設險必為所擾若果零寇不擾預防大虜之計自

當漸有頭緒臣等遵奉

聖旨逐一參酌停當謹用開坐上請伏乞

皇上俯賜采覽

勅下遵行地方幸甚嘉靖四十一年四月十一日題奉

聖旨這所議准行目今遼鎮告急還着會推才望大臣一

員前去督視整理欽此

一見任總兵官吳瑛老成驍健一時號為宿將都督

李賢總兵馬芳等共讓其賢近因該鎮總兵員缺臣

等已將吳瑛會官推補即今初到地方正在整飭據

舊資則人望頗愜論新功則為日未久且臨敵易將

楊襄毅公奏疏 本兵卷之四
兵家所忌似應令其用心供職果能安邊却虜立有奇功容臣等奏請加秩陞俸久任責成如或怠職誤事聽彼處巡按御史廉實叅究

一前屯一帶見有零寇阻絕經行小敵之辱大敵之怯急當勦捕無疑合無照依總督侍郎楊選所議除先發遊擊何垚遊兵一枝外再將軍門標下遊兵胡鎮一枝作速督發出關分住前屯寧遠等處遇有零寇多方搜勦有功之日比之地方主兵加等陞賞稍候寧謐方許掣回

一前屯一帶係咽喉之地咽喉不通關涉不淺雖經督發客兵前去策應仍須鎮巡大臣親詣調度方為得策合無備行總兵官吳瑛巡撫吉澄暫住前屯寧遠等處遇有零寇則相機勦捕兇殘果無零寇則及時整飭邊備自今四月至五月六月正當可為之時一切軍務應徑行者徑自舉行應奏請者作速開奏臥薪嘗膽不宜須臾怠緩各具到彼日期先行回奏一遼東步兵四千名每歲調援薊鎮以致本處極其空虛合無照依總督侍郎楊選所議今秋暫免入衛聽鎮巡官吳瑛吉澄從宜分住前屯廣寧一帶相兼客兵勦捕零寇仍聽鎮巡官便益施行

一遼東入衛馬兵既不敢輕撤似當另募馬兵一枝
專爲前屯一帶之備合無照依總督侍郎楊選所議
聽彼處鎮巡官於前屯一帶招募精壯遊兵三千名
卽便從實查議要見募兵該用銀若干買馬該用銀
若干糧草應於何項內撥補何官驍勇堪充遊擊統
領文書到日限半月以裏作速會奏

一遼東前屯一帶修邊修臺一事先該巡撫都御史
侯汝諒吉澄勘報已該本部覆奉

欽依共該發銀一十萬七千二百四十五兩五錢本部銀
二萬六千八百一十一兩三錢七分五釐已經管

解到該鎮取有咨文在卷戶部該銀八萬四百三十
四兩一錢二分五釐未見發去合無聽本部移文該
部刻期處發以濟燃眉之急仍行吉澄吳瑛侯山海
關至廣寧一路墻臺完備之日方許以次接修各路
一火器火藥 中國長技去秋薊鎮有警仰蒙

皇上特勅該部多發前去以故軍威不震虜勢頓挫遼東
事體大略相同合無聽本部移咨工部將庫貯各樣
火器并火藥卽便差官運送該鎮轉發各該營堡應
用仍咨吉澄照依薊鎮事例通將先今發去火器火
藥盡行查出備造循環文簿二本每季終差人齎送

工部倒換以便稽考

一海西并朵顏三衛屬夷先年撫賞得宜常爲我用近來每遇開市少不遂意或群聚叫囂或盤據道路乘機勾引深爲可憂但撫賞之費帑銀旣難請發該鎮又無措處近日巡撫吉澄條陳欲要議覆八里鋪商稅亦是一策合無移咨戶部速爲議覆

覆西關巡視御史郝杰條陳邊務疏

題爲陳末議以正憲綱以裨邊務事職方清吏司案呈奉本部送刑科抄出巡按直隸監察御史郝杰題奉聖旨該部知道欽此欽遵抄出送司案呈到部看得巡按

直隸監察御史郝杰條陳四事合就開立前件議擬上請定奪嘉靖四十一年四月二十五日題奉

聖旨是欽此

一申法禁以責將令看得各邊總督諸將有罪輒曲爲彌縫諸將無功乃妄爲捏報其弊則誠有之臣博往在宣大已嘗極言其詳奉有

明旨至於武臣問發克軍立功却又展轉寅緣揆之法典委屬有違合無備行各邊督撫官各照原議職守專一稽查錢糧督催戰陣遇有軍功巡按御史備查明白俱止議賞不得驟陞職級節年克軍將官巡按御

史盡數查出通行發遣取具配所回文申達本部以憑查考所在官司容隱不解卽以枉法論罪立功人員臨陣斬獲仍聽御史查覈的實方准議贖如敢仍前買功冒賞從重究治

一清武職以革冒濫看得各邊武官身未經戰往往買功冒陞甚至市井無賴之徒亦得紆金衣紫不惟名器有玷誠爲激勸無方本官所論無非慎重爵賞之意但欲要專差該科給事中或風力御史數員詣邊清查似難輕議合無移咨都察院轉行各該巡按御史嚴行各該都司等官通將各衛所見在官員上

自都指揮下至總小旗除祖職應該承襲外但係近年新功不拘已未襲替通行查覈孰爲真正孰爲冒濫徑自造冊具奏本部仍照見行條例分別應革應襲覆請定奪各該衛所有知而不舉及朦朧回報者聽巡按御史指名叅究仍以冒保事例坐罪治之

一實行伍以壯兵威看得各邊軍士日見卑弱每遇調遣輒稱不敷本官所謂投克選補虛糜等項委爲切中弊源至於將領剝削爲害尤甚但又欲差給事中數員亦難輕議合無止行總督軍門嚴行各該鎮巡等官各將所管軍士通行查理逃亡者嚴加勾補

影射者盡令還役總兵叅 守官跟隨人役俱照條例定數不許例外投克督 標下軍士止將餘丁召補不許營中挑選召募各枝遊兵俱要籍貫明白不許槩收無籍各該將領以後務要加意撫恤刻自愛惜如敢仍前侵削聽巡撫指名查叅從重究治仍記其罪狀永不敘用

一嚴盤詰以重關隘看得居庸紫荆倒馬三關均屬要害近日關吏踈漏以致往來之人或負擔遊食通無批引或驛遞官司徑給執照防奸禦暴委當嚴加禁革合無備咨督撫衙門嚴行各關叅守等官每遇出入人役務要嚴加盤詰所執文引驗果撫按三司及府州縣正官給付者方准放行其餘經歷巡司驛遞衙門所給批照通行阻回把守人役敢有受財賣放者從重究治以後腹裏地方捉獲奸細審果某口進入經該官員一體連坐

議遣都督劉顯等總兵征勦廣福等處逆賊疏
題為仰仗 天威急勦叛逆以靖地方事職方清吏司
案呈照得廣東饒平等處逆賊張璉等節經本部將
一應兵食戰守事宜題奉

欽依馬上差官齎文前去督催行事先據提督兩廣侍郎

張臬奏稱本年三月十六日進兵近據提督南贛都御史陸穩奏稱比因狼兵徵調不齊改於四月十八日進兵前後不一不知此時竟作何狀且福建之賊山海二種蔓延未已呈乞通行查處案呈到部看得廣東福建二省雖云均有賊寇而廣東張璉則狂悖僭逆尤爲不道之極臣等待罪本兵奮心切齒誓不與此賊共戴天日以故將兵糧戰守事宜節次具題悉蒙 俯賜俞允已經馬上差人不時齎文催督續據彼中回奏亦稱見調狼兵一十餘萬定於三月十六日進兵因狼兵未齊又改四月十八日進兵曠日持久未見捷報至勞

皇上軫念南服時勤宵旰臣等職在運籌不勝慙悚大抵廣東之境方在進兵固不可逆料其無功過爲先時之慮亦不宜坐視其誤事以貽後時之憂提督兩廣侍郎張臬總兵官平江伯陳王謨提督南贛都御史陸穩封疆事重雖各不敢不勉以臣等愚見當此勦勦之時必須群力群策兼收並蓄方保萬全臣等切見見任南京坐府署都督僉事劉顯往來江海甚有威名一時勇將莫之或先見任南贛叅將俞大猷曾官兩廣雅負壯猷一時智將無出其右若將二臣用

之廣東謀斷相資弛張相濟必有可觀伏望

皇上俯採臣等末議將劉顯以原任署都督僉事充總兵官帶領見在部下之兵俞大猷以原職署都指揮僉事克副總兵量帶南贛叅兵前赴廣東會同張臬陳王謨陸穩兼同調到狼兵速將張璉等巢穴刻期掃平合用 勅書旗牌等項照例請給如果二臣未到地方賊已先平即便徑赴福建會同巡撫都御史游震得就將福建山海之賊設法勦滅果能立有奇功容臣等具奏不次陞擢如敢因循怠肆與鎮巡官一體究治臣等又惟二臣此行實補鎮巡官之所不及原為相濟而非相病也若使鎮巡等官自懷意見甲可乙否未免反致齟齬為害不輕合無將紀功御史段顧言添請

勅一道令其親詣廣東無紀廣東功罪鎮巡官與二臣彼此和衷則已萬一二臣或欲兵船而鎮巡阻撓其兵或欲糧餉而鎮巡阻撓其食或欲嚮導而鎮巡阻撓其機悉聽段顧言從實叅究定行拏問臣等所見如此千慮之一罔知攸裁無任惶悚俟

命之至嘉靖四十一年五月初三日題奉

聖旨都依議行劉顯等著上緊前去進勦不許怠悞欽此

覆成國公朱希忠議處柴炭商人疏

題為柴炭商人事武選清吏司案呈奉本部送兵科抄
出後軍都督府掌府事太傅兼太子太師成國公朱
希忠奏奉

聖旨兵部都察院看議來說欽此欽遵抄出到部送司案
呈到部看得後軍都督府掌府事太傅兼太子太師
成國公朱希忠奏稱御史顏鯨極論商人受累欲要
本府差的當武官二員齎銀收買乞要從常會處一
節為照前項柴炭等項專供

內府惜薪司之用事體重太時不可缺舊例額派在京
在外武成中等八十六衛徵納銀兩以為買辦之具
復於京城地方召選富商以專買辦之役二百年間
不聞別議臣等入官之初親見一商有缺諸人群聚
爭之乃今但聞籍名愁苦悲號如就死地甚至携家
共逃委身自盡言之可痛見之可傷御史顏鯨欲要
改差武職固是補偏救弊之策猶非端本窮源之論
臣等博采輿情參酌膚見大抵今日之事不在免商
人之差而在體商人之情先年商人有利而無害故
其趨事也如順水而下公私均便近年商人有害而
無利故其趨事也如激水而上公私咸誑至於各衛

應辦銀兩其逋負者十常八九該府雖欲以時處給勢自稱難若不急為釐正不惟小民之疾苦無由申達抑且勲臣之公廉無從暴白相應酌處合候

命下將在京武成中等一十八衛應徵柴炭等項銀兩行令各衛掌印官照舊按月辦納在外保定左通州左等六十八衛所移咨順天保定巡撫都御史各另督催如原銀未完就於別項銀兩先行借贖每年務在八月以裏差官解府先赴巡視京營科道官處掛號畢卽赴該府收貯如有過限不解以致供用缺乏悉聽巡視科道指名叅治一面備行五城御史以後三

年一次審編審編既定該府不得輒爲更易商人柴炭等項相兼派納不許專納一項以致偏累買完之日亦赴科道掛號內府比號相同出給完票每月十日一次該府首領官移文科道將應給銀兩公同驗放其勒詐常例等項盡行革除一洗積弊內外官吏伴當人等如敢仍前故違不止科道查叅卽許被害之人徑自陳訴嘉靖四十一年五月初四日題奉聖旨是欽此

議徵永順宣慰司土兵征勦廣東逆賊疏
題爲仰仗

天威急勦叛逆以靖地方事職方清吏司案呈照得廣東饒平等處逆賊張璉等近該本部題奉

欽依選推總兵官劉顯副總兵官俞大猷統領部兵叅兵前去廣東會同總鎮提督等官刻期掃平如果賊平卽赴福建截殺但各官所領之兵數本不多雖稱調到狼兵聽其分布終非頭目手足之義兵家之事貴於未戰呈乞再爲查處案呈到部看得逆賊張璉等狂悖之極已非一日削平之舉當圖萬全提督侍郎張臬總兵官平江伯陳王謨見調狼兵十萬刻期進勦臣等慮其群策群力尚未兼收以故題奉

欽依特遣總兵官劉顯副總兵官俞大猷統領親兵前去接濟又令御史段顧言前去紀功仰伏

聖皇在上玄威震疊蠢茲小醜自當投首但劉顯所統部兵俞大猷所帶叅兵大約不滿二千若待事有急緩方議添兵相去隔遠一時不能卒至臣等切見湖廣永順宣慰司帶銜布政司叅政彭翼南世受

國恩素閑家教往年浙中倭警黃港涇沈家庄之捷甚賴有力卽今廣中多事正本官戮力圖報之秋合無容臣等馬上差人移文湖廣總督鎮巡官卽行彭翼南將永順宣慰司所屬土兵通行挑選精銳者二萬

名整擻停當親自統領聽本部備行劉顯俞大猷酌量具奏如是必欲調兵本部差官齎文到彼彭翼南方許啓行如賊已平寧兵不必調亦候二臣奏至容臣等將彭翼南具實奏請

特賜金幣以爲效忠之勸本部一面行湖廣督撫官仍照例坐委按察司風力官一員隨軍監督不許沿途騷擾各兵到彼悉聽劉顯俞大猷督率夾勦合用行糧犒賞等項巡撫官速行各該官司預爲處備隨到隨給其保靖兵一枝查得彭蓋臣已故遺有孤孫方在童年無人管束中間果有情願隨軍報効者亦許本司把目人等分領前去仍聽彭翼南節制有功之日一體陞賞大抵今議永保之兵一則先期挑選可免臨時張皇一則候警起發不致虛糜饋餉在廣東進兵之前可以壯我兵之先聲在廣東進兵之後可以收我兵之後效臣等愚見如此伏乞

聖明俯賜裁定臣等無任惶悚俟 命之至嘉靖四十一年五月初九日題奉

聖旨是欽此

議發馬價銀兩買給遼東軍民種子疏

題爲遼寇少寧乞 恩處給種子及時佈種事職方清

吏司案呈照得遼東地方自督視軍情本部左侍郎
葛縉出關以來零寇遠遁商旅通行且雨澤霑足田
土膏腴但居人貧苦多無種子呈乞查處案呈到部
看得遼東一鎮素稱富庶乃今十室九空蕭條特甚
大要其端有二其一則連年亢旱不能耕斂其二則
諸虜侵軼不敢耕斂茲者仰賴

聖皇在上誠感玄穹天雨時若特遣大臣 天威丕振計
今五月六月尚可佈種糜子但所在軍民十分貧窘
或有牛無種或有種無牛棲息閭閻徒功慨嘆臣等
私憂過計若使得如臣等春初宣大薊州之議各給

以種所費不多所利甚大相應速爲酌處合候

命下本部劄行太僕寺於馬價銀內動支一萬兩差官解
送侍郎葛縉會同巡撫都御史吉澄責成守巡兵備
等官不分遼東遼西委官收買糜種量其家力分等
借給合用牛隻官爲勸處令其趁時耕種秋成之日
抵斗還官另立小倉收貯專備來年給種支用嘉靖
四十一年五月十三日題奉

聖旨是欽此

國

卷之四

十三

